

საჯარო სამართლის იურიდიული პირი
„ბათუმის ბულვარი“



სატვირთო ავტომატების სახელმწიფო შესყიდვის
გამარტივებული ელექტრონული ტენდერის

სატენდერო დოკუმენტაცია

ქ. ბათუმი

2013 წ.

1. ტექნიკური დოკუმენტაცია;	3
2. დანართი №1 ტექნიკური პარამეტრები;	5
3. დანართი №2 ფასების ცხრილი;	7
4. დანართი №3 სახელმწიფო შესყიდვის შესახებ ხელშეკრულების პროექტი;	8
5. დანართი №4 რეკვიზიტები.	15

წინამდებარე სატენდერო დოკუმენტაცია შედგენილია „სახელმწიფო შესყიდვების შესახებ“ საქართველოს კანონის 12¹ მუხლის, „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 7 აპრილის N9 ბრძანების შესაბამისად.

2. ტექნიკური დოკუმენტაცია:

2.1 შესყიდვის ობიექტის რაოდენობა:

- ა) სატვირთო ავტომანქანა თვითმცლელი - 1 (ერთი) ერთეული;
- ბ) სატვირთო ავტომანქანა - 1 (ერთი) ერთეული;

2.2 შესყიდვის ობიექტი ტექნიკური პირობები:

2.2.1 შესყიდვის ობიექტების ტექნიკური პარამეტრები იხილეთ დანართი N1-ში.

2.3 ხელშეკრულების აუცილებელი პირობები:

2.3.1 ანგარიშსწორების პირობები:

- ა) მხარეები ანგარიშსწორებას ახორციელებენ ლარებში, უნაღდო ანგარიშსწორებით;
- ბ) მიმწოდებელი ანგარიშსწორებისას ვალდებულია წარმოადგინოს ფაქტიურად მიწოდებული საქონლის ღირებულება (დღგ-ს გათვალისწინებით).
- გ) ანგარიშსწორება მოხდება ეტაპობრივად, ფაქტიურად მიწოდებული საქონლის, მიღება-ჩაბარების აქტისა და დღგ-ს გადასახადის ანგარიშფაქტურის გაფორმების საფუძველზე, წარმოდგენიდან 10 (ათი) სამუშაო დღის განმავლობაში.
- დ) წინასწარი ანგარიშსწორება ავანსი არ გამოიყენება.

2.3.2 ხელშეკრულების პირობების შეუსრულებლობა

- ა) ფორს-მაჟორული პირობების გარდა, ხელშეკრულებით ნაკისრი ვალდებულებების შეუსრულებლობის ან შესრულების ვადის გადაცილებისათვის მიმწოდებელს დაეკისრება პირგასამტეხლოს გადახდა, ყოველ ვადაგადაცილებულ დღეზე ხელშეკრულების ღირებულების 0.3%-ის ოდენობით, ხოლო, თუკი ადგილი აქვს ვალდებულების ნაწილის შეუსრულებლობას, პირგასამტეხლო შეადგენს ვალდებულების შეუსრულებელი ნაწილის 0.3 %-ს.
- ბ) იმ შემთხვევაში, თუ ვადების გადაცდენისათვის დაკისრებული პირგასამტეხლოს ჯამური თანხა გადააჭარბებს ხელშეკრულების ღირებულების 3%-ს, შემსყიდველს უფლება აქვს ცალმხრივად შეწყვიტოს ხელშეკრულება.

2.3.3 საქონლის მიწოდების ვადა ადგილი და ფორმა:

- ა) გამარჯვებულმა მიმწოდებელმა საქონლის მიწოდება უნდა უზრუნველყოს ხელშეკრულების გაფორმებიდან 60 (სამოცი) კალენდარული დღის ვადაში.
- ბ) მიმწოდებელმა შემსყიდველ ორგანიზაციას სატენდერო დოკუმენტაციით გათვალისწინებული შესყიდვის ობიექტი უნდა მიაწოდოს განბაჟებითა და შემსყიდველ ორგანიზაციაზე გადაფორმებით, აღნიშნული ხარჯების გაწევას მიმწოდებელი უზრუნველყოფს საკუთარი ხარჯებით.
- გ) მიმწოდებელი საკუთარი ხარჯებით უზრუნველყოფს საქონლის მიწოდებას შემსყიდველი ორგანიზაციის მისამართზე ქ. ბათუმი, კ. გამსახურდიას ქ. N2.

2.3.4 მიწოდებულ საქონელზე საგარანტიო პირობები:

- ა) მიმწოდებელი იძლევა გარანტიას, რომ მიწოდებული საქონელი იქნება ახალი უპასუხებს ხელშეკრულებითა და ტექნიკური პირობებით გათვალისწინებულ პირობებს და დააკმაყოფილებს შემსყიდველის მოთხოვნებს;
 - ბ) მოსაწოდებელი სატვირთო ავტომანქანების საგარანტიო ვადა მიღება-ჩაბარების აქტის გაფორმებიდან უნდა შეადგენდეს არანაკლებ 2 (ორი) წელს.
 - გ) გარანტია ვრცელდება ძრავზე, გადაცემათა კოლოფზე, ელექტროობაზე, ხიდზე და ქარხნული წუნით გამოწვეულ ნებისმიერ დეტალზე, რომელიც არ არის ცვეთადი;
 - დ) ჰიდრავლიკური თვითმცლელი მექანიზმის სგარანტიო ვადა მიღება-ჩაბარების აქტის გაფორმებიდან უნდა შეადგენდეს არანაკლებ 1 (ერთი) წელს;
 - ე) ავტომობილის ბორტზე სგარანტიო ვადა მიღება-ჩაბარების აქტის გაფორმებიდან უნდა შეადგენდეს არანაკლებ 1 (ერთი) წელს.
- პრეტენდენტის ხელმოწერა _____

2.4 სატენდერო წინადადების ფასი:

ა) სატენდერო წინადადებაში საერთო ფასი გამოსახული უნდა იყოს საქართველოს კანონმდებლობით გათვალისწინებული შესყიდვის ობიექტის მიწოდებასთან დაკავშირებული ყველა გადასახადის გათვალისწინებით;

2.5 საკონტაქტო ინფორმაცია:

სატენდერო დოკუმენტაციასთან დაკავშირებული განმარტებების მიღება პრეტენდენტს შეუძლია სსიპ „ბათუმის ბულვარის“ სატენდერო კომისიის აპარატში, მიმართვის შემთხვევაში. ქ. ბათუმი, კ. გამსახურდიას ქ. №2; E mail: tenders@boulevard.ge საკონტაქტო პირი: ალექსანდრე ბოლქვაძე; ტელეფონი: (04 22) 27 88 08; mob: 591-22-88-33.

2.6 პრეტენდენტმა უნდა უზრუნველყოს ერთიან ელექტრონულ სისტემაში სატენდერო დოკუმენტაციით განსაზღვრული შემდეგი დოკუმენტების ატვირთვა:

ა) შესყიდვის ობიექტის ტექნიკური პარამეტრები დანართი№1;

ბ) ფასების ცხრილი დანართი№2-ის მიხედვით;

გ) შემოთავაზებული საქონლის (სატვირთო ავტომანქანების) საგარანტიო პირობების ზუსტი ჩამონათვალი;

დ) ხელშეკრულების აუცილებელი პირობები (ტექნიკური დოკუმენტაციის 2.3 პუნქტით გათვალისწინებული მოთხოვნები);

ე) რეკვიზიტები დანართი№4-ის მიხედვით;

2.6.1 ყველა დოკუმენტი ხელმოწერილი და ბეჭედ-დასმული უნდა იყოს უფლებამოსილი პირის მიერ.

შესყიდვის ობიექტის ტექნიკური პარამეტრები

1. სატვირთო ავტომანქანა თვითმცლელი:

- რაოდენობა: 1 (ერთი) ცალი;
- გამოშვების წელი: ახალი, არაუგვიანეს 2012 წელი (ექსპლუატაციაში არ მყოფი);
- საწვავის ტიპი :დიზელი;
- ძრავი: არანაკლებ 120 ცხ/მ;
- უკანა ამძრავი თვლებით
- თველების ფორმულა 4X2;
- კარების რაოდენობა 4
- წინა ელ. შუშები
- ცენტრალური საკეტი
- მგზავრების რაოდენობა მძღოლის ჩათვლით 6-დან 7 -მდე;
- გადაცემათა კოლოფი: მექნიკური;
- (ABS+EBD) სისტენა არანაკლებ 4 ბორბალზე;
- მძღოლის უსაფრეთხოების ბალიში;
- დაქოქვის ადაპტირებული სისტემა –20C;
- ავტომობილის სიგრძე არანაკლებ 6300 მმ;
- ავტომობილის მთლიანი დასაშვები წონა ტვირთის ჩათვლით არანაკლებ 4300 კგ;
- ავტომობილის ძარა უნდა იყოს აღჭურვილი ჰიდრავლიკური თვითმცლელი მექანიზმით;
- ავტომობილის ბორტი უნდა იღებოდეს სამივე მხარეს;

2. სატვირთო ავტომანქანა:

- რაოდენობა: 1 (ერთი) ცალი;
- გამოშვების წელი: ახალი, არაუგვიანეს 2012 წელი (ექსპლუატაციაში არ მყოფი);
- საწვავის ტიპი :დიზელი;
- ძრავი: არანაკლებ 140 ცხ/მ;
- კონდიციონერი
- უკანა ამძრავი თვლებით;
- თველების ფორმულა 2X2;
- კარების რაოდენობა 4;
- წინა ელ. შუშები;
- ცენტრალური საკეტი;
- მგზავრების რაოდენობა მძღოლის ჩათვლით 6-დან 7 -მდე;
- გადაცემათა კოლოფი: მექნიკური;
- (ABS+EBD) სისტენა არანაკლებ 4 ბორბალზე;
- მძღოლის უსაფრეთხოების ბალიში
- დაქოქვის ადაპტირებული სისტემა –20C;
- ავტომობილის სიგრძე არანაკლებ 5200 მმ;
- ავტომობილის მთლიანი დასაშვები წონა ტვირთის ჩათვლით არანაკლებ 3000 კგ;
- ავტომობილის ბორტი უნდა იღებოდეს სამივე მხარეს;

აუცილებელი პირობა:

- სატრანსპორტო საშუალება უნდა იყოს ახალი (ექსპლუატაციაში არ მყოფი);
- პრეტენდენტის მიერ, სატენდერო წინადადების შედგენისას არ უნდა იყოს დარღვეული სატენდერო დოკუმენტაციაში მოცემული დანართების ფორმები;
- შემსყიდველის მიერ სატენდერო დოკუმენტაციის 2.6 პუნქტით მოთხოვნილი ყველა დოკუმენტი და/ან ინფორმაცია პრეტენდენტის მიერ ატვირთული უნდა იქნას ერთიან ელექტრონულ სისტემაში.
- პრეტენდენტის მიერ წარმოდგენილი (ერთიან ელექტრონულ სისტემაში ატვირთული)

ყველა დოკუმენტი ან/და ინფორმაცია ხელმოწერილი და ბეჭედდასმული უნდა იყოს ხელმძღვანელის ან/და უფლებამოსილი პირის მიერ (უფლებამოსილი პირის შემთხვევაში წარმოდგენილ უნდა იქნეს ერთიანი ელექტრონული სისტემის მეშვეობით ნოტარიულად დამტკიცებული უფლებამოსილების დამადასტურებელი შესაბამისი დოკუმენტ(ებ)ი. უცხოენოვანი დოკუმენტების არსებობის შემთხვევაში ნოტარიულად დამტკიცებული ქართულად ნათარგმნი დოკუმენტ(ებ)ი;

- შემსყიდველის მოთხოვნის შემთხვევაში, მოთხოვნის შესაბამისად პრეტენდენტმა უნდა წარმოადგინოს იმ მოთხოვნილი დოკუმენტების დედანი და/ან ნოტარიულად დამოწმებული ასლ(ებ)ი, რომელიც იყო ატვირთული ერთიან ელექტრონულ სისტემაში

პრეტენდენტის ხელმოწერა _____

ფასების ცხრილი

პრეტენდენტის დასახელება _____

სატენდერო წინადადების ფასი _____

N	დასახელება	შემოთავაზებული საქონლის ტექნიკური მახასიათებლები	წარმოშობის ქვეყანა, მწარმოებელი კომპანია	განზომილების ერთეული	რაოდენობა	ერთეულის ფასი (ლარი)	საერთო ღირებულება (ლარი)
1	2	3	4	5	6	7	8
1				ცალი	1		
2				ცალი	1		
სულ ჯამი:							

შენიშვნა:

- მე-2, მე-3, მე-4, მე-7 და მე-8 გრაფები ივსება პრეტენდენტის მიერ;
- მე-2 გრაფაში მითითებული უნდა იქნას შემოთავაზებული საქონლის კონკრეტული მოდელი და მარკა;
- მე-3 გრაფაში მითითებული უნდა იქნას შემოთავაზებული საქონლის დეტალურად გაშიფრული ტექნიკური მახასიათებლები.;
- შემოთავაზებული სატრანსპორტო საშუალების ტექნიკური მახასიათებლები უნდა იყოს იმ მოთხოვნათა გათვალისწინებით, რაც შემსყიდველ ორგანიზაციას მოთხოვნილი აქვს ტექნიკურ დავალებაში, წინააღმდეგ შემთხვევაში არ განიხილება პრეტენდენტის მიერ შემოთავაზებული წინადადება და მოხდება მისის დისკვალიფიკაცია.

პრეტენდენტის ხელმოწერა _____

სახელმწიფო შესყიდვების შესახებ ხელშეკრულების პროექტი

ხელშეკრულების პირობების საბოლოო ვარიანტი შეიძლება დაზუსტდეს და დაიხვეწოს ტენდერში გამარჯვებულ პრეტენდენტთან ხელშეკრულების გაფორმების პროცესში

ხელშეკრულება სახელმწიფო შესყიდვების შესახებ №

ქ. ბათუმი

----- 2013 წ.

ერთის მხრივ, სსიპ – ბათუმის ბულვარი, დირექტორის გურამ ჩიქოვანის სახით, (შემდგომში – “შემსყიდველი”) და მეორეს მხრივ -----სახით, (შემდგომში – “მიმწოდებელი”), იმის გათვალისწინებით, რომ შემსყიდველმა ჩაატარა გამარტივებული ელექტრონული ტენდერი (SPA-----) სატვირთო ავტომანქანების შესყიდვაზე, რომელშიც გამარჯვებულად მიჩნეულ იქნა მიმწოდებლის სატენდერო წინადადება, ვდებთ წინამდებარე ხელშეკრულებას შემდეგზე:

1. ხელშეკრულების საგანი

1.1. ხელშეკრულების საგანია მაღალგანმავლობიანი სატრანსპორტო საშუალების შესყიდვა, (შემდგომში – „საქონელი“), შემსყიდველი კისრულობს ვალდებულებას გადაიხადოს მისი ღირებულება ხელშეკრულებით დადგენილი წესით;

1.2. კლასიფიკატორის (CPV) კოდი და კლასიფიკატორის დანაყოფი - CPV-34100000 ძრავიანი სატრანსპორტო საშუალებები. კლასიფიკატორის (CPV) კოდი და შესყიდვის კონკრეტული ობიექტი - 34142300 თვითსაცლელი სატვირთო ავტომანქანები.

1.3. მთლიანი სახელშეკრულებო ღირებულება შეადგენს ----- (-----) ლარს.

2. სტანდარტები

2.1 ხელშეკრულების ფარგლებში მიწოდებული საქონელი უნდა შეესაბამებოდეს ტექნიკურ პირობებში მითითებულ სტანდარტებს.

3. საპატენტო უფლებები

3.1. საქონლის ან მისი ნებისმიერი ნაწილის გამოყენებისას საპატენტო უფლების დარღვევასთან, ასევე სასაქონლო მარკის ან საწარმოო ნაკეთობის გამოყენებასთან დაკავშირებით წარმოშობილი დავების ან მატერიალური პასუხისმგებლობის მოგვარება ეკისრება მიმწოდებელს.

4. ხელშეკრულების შესრულების კონტროლი

4.1 შემსყიდველს ან მის წარმომადგენლებს უფლება აქვთ განახორციელონ ტექნიკური კონტროლი და/ან გამოცადონ საქონელი, რათა დარწმუნდნენ მათ შესაბამისობაში კონტრაქტით გათვალისწინებულ ტექნიკურ პირობებთან.

4.2 მიმწოდებელი ვალდებულია საკუთარი რესურსებით უზრუნველყოს შემსყიდველი კონტროლის (ინსპექტირების) ჩატარებისათვის აუცილებელი პერსონალით, ტექნიკური

საშუალებებით და სხვა სამუშაო პირობებით. იმ შემთხვევაში, თუ შემსყიდველი კონტროლის (ინსპექტირების) მიზნით გამოიყენებს საკუთარ ან მოწვეულ პერსონალს, მის შრომის ანაზღაურებას უზრუნველყოფს თვით შემსყიდველი.

4.3 მიმწოდებელი ვალდებულია საკუთარი ხარჯებით უზრუნველყოს კონტროლის (ინსპექტირების) შედეგად გამოვლენილი ყველა დეფექტის ან ნაკლის აღმოფხვრა, წუნდებული საქონლის შეცვლა და კონტროლის (ინსპექტირების) შედეგად დაზიანებული საცდელი ნიმუშების ღირებულების დაფარვა.

4.4 ამ მუხლის არც ერთი პუნქტი არ ათავისუფლებს მიმწოდებელს მოცემული ხელშეკრულების სხვა ვალდებულებებისაგან.

4.5 მიმწოდებლის მიერ ხელშეკრულებით ნაკისრი ვალდებულებების შესრულების კონტროლს შემსყიდველის მხრიდან განახორციელებენ სსიპ „ბათუმის ბულვარი“-ს -----

5. საქონლის მიწოდების ვადა ადგილი და ფორმა

5.1 გამარჯვებულმა მიმწოდებელმა საქონლის მიწოდება უნდა უზრუნველყოს ხელშეკრულების გაფორმებიდან 60 (სამოცი) კალენდარული დღის ვადაში.

5.2 მიმწოდებელმა შემსყიდველ ორგანიზაციას სატენდერო დოკუმენტაციით გათვალისწინებული შესყიდვის ობიექტი უნდა მიაწოდოს განბაჟებითა და შემსყიდველ ორგანიზაციაზე გაფორმებით, აღნიშნული ხარჯების გაწევას მიმწოდებელი უზრუნველყოფს საკუთარი ხარჯებით.

5.3 მიმწოდებელი საკუთარი ხარჯებით უზრუნველყოფს საქონლის მიწოდებას შემსყიდველი ორგანიზაციის მისამართზე ქ. ბათუმი, კ. გამსახურდიას ქ.N2

6. შესყიდვის ობიექტის მიღება-ჩაბარების წესი

6.1 შესყიდვის ობიექტის მიღება-ჩაბარება განხორციელდება, საქონლის მიწოდების შემდეგ შემსყიდველისა და მიმწოდებლის უფლებამოსილი წარმომადგენლების მიერ მიღება-ჩაბარების აქტის გაფორმებით (შემსყიდველის მხრიდან მიღება- ჩაბარების აქტების გაფორმებაზე უფლებამოსილ პირებს წარმოადგენენ წინამდებარე ხელშეკრულების მეოთხე მუხლის 4.5 პუნქტში მითითებული პირები).

6.2 მიღება-ჩაბარების აქტის გაფორმებასთან ერთად, მიმწოდებელი ვალდებულია წარმოუდგინოს შემსყიდველს საქართველოს კანონმდებლობით გათვალისწინებული შესაბამისი საგადასახადო დოკუმენტაცია.

7. ანგარიშსწორება

7.1 მხარეები ანგარიშსწორებას ახორციელებენ ლარებში, უნაღდო ანგარიშსწორებით;

7.2 მიმწოდებელი ანგარიშსწორებისას ვალდებულია წარმოადგინოს ფაქტიურად მიწოდებული საქონლის ღირებულება (დღგ-ს გათვალისწინებით).

7.3 ანგარიშსწორება მოხდება ეტაპობრივად, ფაქტიურად მიწოდებული საქონლის, მიღება-ჩაბარების აქტისა და დღგ-ს გადასახადის ანგარიშფაქტურის გაფორმების საფუძველზე, წარმოდგენიდან 10 (ათი) სამუშაო დღის განმავლობაში.

7.4 წინასწარი ანგარიშსწორება ავანსი არ გამოიყენება.

7.5 იმ შემთხვევაში, თუ განსაზღვრული გარემოებების გამო მიმწოდებლის მიერ მოწოდებული საქონლის ღირებულებამ არ შეადგინა ამ ხელშეკრულებით გათვალისწინებული თანხა, შემსყიდველი აუნაზღაურებს მიმწოდებელს მის მიერ ფაქტობრივად მოწოდებული საქონლის ღირებულებას ამხელშეკრულებით განსაზღვრული ერთეული ფასების შესაბამისად.

აღნიშნულიდან გამომდინარე მიმწოდებელს არ უდნა გააჩნდეს პრეტენზია აუთვისებელ თანხაზე და მის გადახდაზე.

8.ფასები

8.1 მიმწოდებლის მიერ დაფიქსირებული ფასი წარმოადგენს ხელშეკრულების ღირებულებით პარამეტრებს.

8.2 ხელშეკრულების ღირებულებითი პარამეტრების შეცვლა ხელშეკრულების მოქმედების მთელი პერიოდის განმავლობაში დაუშვებელია.

8.3 ხელშეკრულების ღირებულებითი პარამეტრების შეცვლა დასაშვებია მხარეთა შეთანხმებით.

8.4 ხელშეკრულების ღირებულებითი პარამეტრების შეცვლა დაუშვებელია, თუ ამ ცვლილებების შედეგად იზრდება ჯამური ღირებულება ან უარესდება ხელშეკრულების პირობები შემსყიდველი ორგანიზაციისათვის, გარდა საქართველოს სამოქალაქო კოდექსის 398-ე მუხლით დადგენილი შემთხვევებისა.

8.5 საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში, დაუშვებელია სახელმწიფო შესყიდვის შესახებ ხელშეკრულების ჯამური ღირებულების 10%-ზე მეტი ოდენობის გაზრდა.

9. ხელშეკრულებაში ცვლილებების შეტანა

9.1 არავითარი გადახრა ან ცვლილება ხელშეკრულების პირობებში არ დაიშვება ორივე მხრის მიერ ხელმოწერილი წერილობითი შესწორებების გარდა.

9.2 თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.

9.3 ნებისმიერი ცვლილება, რომელსაც მოჰყვება ხელშეკრულების ფასის გაზრდა ან შემსყიდველისათვის პირობების გაუარესება, დაუშვებელია გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა „სახელმწიფო შესყიდვების შესახებ“ საქართველოს კანონის და „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 7 აპრილის N9 ბრძანების მოთხოვნათა გათვალისწინებით.

9.4 ხელშეკრულების პირობების ნებისმიერი ცვლილება უნდა გაფორმდეს ხელშეკრულების დანართის სახით, რომელიც ჩაითვლება ხელშეკრულების განუყოფელ ნაწილად.

10. უფლებების გადაცემა

10.1 მიმწოდებელმა შემსყიდველის წინასწარი წერილობითი თანხმობის გარეშე, არც მთლიანად და არც ნაწილობრივ არ უნდა გადასცეს მოცემული ხელშეკრულებით არსებული თავისი ვალდებულებები მესამე პირს.

11. სუბკონტრაქტორები

11.1 ხელშეკრულების გაფორმების შემდგომ მიმწოდებელმა წერილობით უნდა აცნობოს შემსყიდველს სუბ-კონტრაქტორ(ებ)ის აყვანის ან შეცვლის შესახებ (სუბ-კონტრაქტორის აყვანის აუცილებლობის მიზეზების დასაბუთებით). სუბ-კონტრაქტორ(ებ)ის დასაშვებობის საკითხს წყვეტს შემსყიდველი და მიმწოდებელი ერთობლივი მოლაპარაკების საფუძველზე, რომელიც გაფორმდება წერილობითი ფორმით წინადადებარე ხელშეკრულების დამატების სახით.

11.2 ამ ხელშეკრულების ფარგლებში დადებული ყველა სუბკონტრაქტის ასლი უნდა წარედგინოს შემსყიდველს.

11.3 ამ ხელშეკრულების ფარგლებში დადებული არც ერთი სუბკონტრაქტი არ ათავისუფლებს მიმწოდებელს ხელშეკრულებით ნაკისრი ვალდებულებებისაგან.

12. გარანტია

12.1 მიმწოდებელი იძლევა გარანტიას, რომ მიწოდებული საქონელი იქნება ახალი უპასუხებს ხელშეკრულებითა და ტექნიკური პირობებით გათვალისწინებულ პირობებს და დააკმაყოფილებს შემსყიდველის მოთხოვნებს;

12.2 საქონლის საგარანტიო ვადა მიღება-ჩაბარების აქტის გაფორმებიდან შეადგენს არანაკლებ 2 (ორი) წელს.

12.3 გარანტია ვრცელდება ძრავზე, გადაცემათა კოლოფზე, ელექტრობაზე, ხიდზე და ქარხნული წუნით გამოწვეულ ნებისმიერ დეტალზე, რომელიც არ არის ცვეთადი;

12.4 ჰიდრაულიკური თვითმცლელი მექანიზმის საგარანტიო ვადა მიღება-ჩაბარების აქტის გაფორმებიდან უნდა შეადგენდეს არანაკლებ 1 (ერთი) წელს;

12.5 ავტომობილის ბორტზე საგარანტიო ვადა მიღება-ჩაბარების აქტის გაფორმებიდან უნდა შეადგენდეს არანაკლებ 1 (ერთი) წელს.

12.6 მიმწოდებლის მიერ ამ ვალდებულების შეუსრულებლობის შემთხვევაში შემსყიდველს უფლება აქვს თვითონ მიიღოს ზომები ხარვეზების გამოსწორებისათვის და მოსთხოვოს მიმწოდებელს შესაბამისი ხარჯების ანაზღაურება ან გამოქვითოს ეს თანხა ხელშეკრულების მიხედვით მიმწოდებლისათვის გადასახდელი თანხიდან.

13. ხელშეკრულების პირობების შეუსრულებლობა

13.1 ფორს-მაჟორული პირობების გარდა, ხელშეკრულებით ნაკისრი ვალდებულებების შეუსრულებლობის ან შესრულების ვადის გადაცილებისათვის მიმწოდებელს დაეკისრება პირგასამტეხლოს გადახდა, ყოველ ვადაგადაცილებულ დღეზე ხელშეკრულების ღირებულების 0.3%-ის ოდენობით, ხოლო, თუკი ადგილი აქვს ვალდებულების ნაწილის შეუსრულებლობას, პირგასამტეხლო შეადგენს ვალდებულების შეუსრულებელი ნაწილის 0.3%-ს.

13.2 იმ შემთხვევაში, თუ ვადების გადაცდენისათვის დაკისრებული პირგასამტეხლოს ჯამური თანხა გადააჭარბებს ხელშეკრულების ღირებულების 3%-ს, შემსყიდველს უფლება აქვს ცალმხრივად შეწყვიტოს ხელშეკრულება.

14.3 საჯარიმო სანქციის გადახდა არ ათავისუფლებს მიმწოდებელს ძირითადი ვალდებულებების შესრულებისაგან.

14. ხელშეკრულების შეწყვეტა მისი პირობების შეუსრულებლობის გამო

14.1 შემსყიდველს შეუძლია მთლიანად ან ნაწილობრივ შეწყვიტოს ხელშეკრულება, მიმწოდებლისათვის ვალდებულებების შეუსრულებლობის წერილობითი შეტყობინების შემდეგ:

ა) თუ მიმწოდებელს ხელშეკრულებით გათვალისწინებულ ან შემსყიდველის მიერ გაგრძელებულ ვადებში არ შეუძლია მიაწოდოს მთელი საქონელი ან მისი ნაწილი;

ბ) თუ მიმწოდებელს არ შეუძლია შეასრულოს ხელშეკრულებით გათვალისწინებული, რომელიმე ვალდებულება.

14.2 ხელშეკრულების ცალკეული პირობების მოქმედების შეწყვეტა არ ათავისუფლებს მიმწოდებელს დანარჩენი ვალდებულებების შესრულებისაგან.

14.3 შემსყიდველს შეუძლია მიიღოს გადაწყვეტილება ხელშეკრულების შეწყვეტის შესახებ

აგრეთვე:

ა) თუ შემსყიდველისათვის ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;

ბ) მიმწოდებლის გაკოტრების შემთხვევაში;

გ) თუ მისთვის ცნობილი გახდება, რომ მიმწოდებლის საკვალიფიკაციო მონაცემების დამადასტურებელი დოკუმენტები ყალბი აღმოჩნდება;

დ) საქართველოს კანონმდებლობით გათვალისწინებულ სხვა შემთხვევებში.

14.4 ამ მუხლის მე-3 პუნქტში მითითებულ შემთხვევებში შემსყიდველი ვალდებულია აუნაზღაუროს მიმწოდებელს ფაქტიურად მიღებული საქონლის (მონტაჟის) ღირებულება.

15. ფორს-მაჟორი

15.1 ხელშეკრულების დამდები რომელიმე მხარის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას და ხელშეკრულების შესრულების გარანტიის დაუბრუნებლობას, თუ ხელშეკრულების შესრულების შეფერხება ან მისი ვალდებულებების შეუსრულებლობა არის ფორს-მაჟორული გარემოების შედეგი.

15.2 ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა და/ან მიმწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნას ომით, სტიქიური მოვლენებით, ეპიდემიით, კარანტინით და საქონლის მიწოდებაზე ემბარგოს დაწესებით, საბიუჯეტო ასიგნებების მკვეთრი შემცირებით და სხვა.

15.3 ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისა და მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამოახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელი იქნებიან ფორს-მაჟორული გარემოებების ზეგავლენისაგან.

16. სადაო საკითხების გადაწყვეტა

16.1 შემსყიდველმა და მიმწოდებელმა ყველა ღონე უნდა იხმაროს, რათა პირდაპირი არაოფიციალური მოლაპარაკებების პროცესში შეთანხმებით მოაგვარონ ყველა უთანხმოება და დავა, წარმოქმნილი მათ შორის ხელშეკრულების ან მასთან დაკავშირებული სხვა კომპონენტის ირგვლივ.

16.2 თუ ასეთი მოლაპარაკებების დაწყებიდან 30 (ოცდაათი) დღის განმავლობაში შემსყიდველი და მიმწოდებელი ვერ შეძლებენ სადაო საკითხის შეთანხმებით მოგვარებას, ნებისმიერ მხარეს დავის გადაწყვეტის მიზნით შეუძლია დადგენილი წესის და მიხედვით მიმართოს საქართველოს სასამართლოს, თუ ხელშეკრულებაში სხვა რამ არ არის გათვალისწინებული.

17. გამოყენებული სამართალი

17.1 ხელშეკრულება დადებულია საქართველოს კანონმდებლობის შესაბამისად და ინტერპრეტირებული იქნება საქართველოს კანონმდებლობის მიხედვით.

18. ხელშეკრულების ენა

18.1 ხელშეკრულება დაწერილ უნდა იქნას ქართულ ენაზე. იმ შემთხვევაში, თუ ხელშეკრულების მეორე მხარე არის უცხო ქვეყნის წარმომადგენელი, მაშინ მეორე ეგზემპლარი ითარგმნება მიმწოდებლისათვის მისაღებ ენაზე. ინტერპრეტაციისას ქართულ ენაზე დაწერილი ხელშეკრულება წარმოადგენს გადამწყვეტს. ხელშეკრულებასთან დაკავშირებული მთელი წერილობითი მოლაპარაკებები და სხვა დოკუმენტაცია, რომელიც გაიცვლება მხარეთა შორის, უნდა შეესაბამებოდეს აღნიშნულ პირობებს.

19. შეტყობინება

19.1 ნებისმიერი შეტყობინება, რომელსაც ერთი მხარე, ხელშეკრულების შესაბამისად, უგზავნის მეორე მხარეს, გაიგზავნება წერილის, დეპეშის, ტელექსის ან ფაქსის სახით, ორიგინალის შემდგომი წარმოდგენით, ხელშეკრულებაში მითითებული მეორე მხარის მისამართზე.

19.2 შეტყობინება შედის ძალაში ადრესატის მიერ მისი მიღების დღეს ან შეტყობინების ძალაში შესვლის დადგენილ დღეს, იმის მიხედვით, თუ ამ თარიღებიდან რომელი უფრო გვიან დგება.

20. გადასახადები და დაბეგვრა

20.1 უცხოელი მიმწოდებელი პასუხს აგებს მისაწოდებელი საქონლის წარმოებასა და მიწოდებასთან დაკავშირებული ყველა იმ გადასახადის, მოსაკრებლების და სხვა გადასახდელების გადახდაზე, რომლებიც გადასახდელია საქართველოს ფარგლებში და მის გარეთ.

20.2 ადგილობრივი მიმწოდებელი პასუხს აგებს საქართველოს კანონმდებლობით დადგენილი გადასახადების, მოსაკრებლების და სხვა გადასახდელების გადახდაზე, თუ ხელშეკრულებით სხვა რამ არ არის გათვალისწინებული.

21. ხელშეკრულების მოქმედების ვადა

21.1 წინამდებარე ხელშეკრულება ძალაშია 2013 წლის -----
2013 წლის -----.

22. სხვა პირობები

22.1 არც ერთ მხარეს არ აქვს უფლება გადასცეს მესამე პირს თავისი უფლებები და მოვალეობები, მეორე მხარის წერილობითი თანხმობის გარეშე.

22.2 მესამე პირთან ურთიერთობაში მხარეები მოქმედებენ თავიანთი სახელით, ხარჯებითა და რისკით.

22.3 ხელშეკრულება შედგენილია ქართულ ენაზე, ოთხ ეგზემპლარად, რომელთაგან თითოეულს აქვს თანაბარი იურიდიული ძალა და ინახება ხელმომწერ მხარეებთან (ერთი პირი მიმწოდებელთან და სამი პირი შემსყიდველთან). ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.

22.4 წინამდებარე ხელშეკრულების ნებისმიერი ცვლილება ან დამატება ძალაშია მხოლოდ მას შემდეგ, რაც ის წერილობითი ფორმითაა შედგენილი და ხელმოწერილია მხარეთა მიერ.

23. მხარეთა რეკვიზიტები

„შემსყიდველი“

სსიპ „ბათუმის ბულვარი“
ს/კ: **245630786**
მის.: ქ. ბათუმი, კ. გამსახურდიას ქ. №2
ტ: 7 88 08
სს „კორ სტანდარტ ბანკი“
ბ/კ: **AGREGE22**
ანგ. № **GE57KS0000000024173840**
სსიპ „ბათუმის ბულვარის“ დირექტორი

_____/გ.ჩიქოვანი/

„მიმწოდებელი“

ს/კ -----
მის: -----
ტ : -----
ს.ს. „საქართველოს ბანკი“
ბანკის კოდი: -----
ანგ.№ -----

_____/-----/

1. რეკვიზიტები:

- პრეტენდენტის იურიდიული ფორმა და დასახელება:
- ხელმძღვანელის სახელი და გვარი:
- პრეტენდენტის იურიდიული ან/და ფაქტიური მისამართი:
- საიდენტიფიკაციო კოდი:
- პრეტენდენტის ტელეფონის ნომერი:
- ელექტრონული მისამართი:
- მომსახურე ბანკის დასახელება:
- ბანკის კოდი:
- ანგარიშსწორების ანგარიში:

პრეტენდენტის ხელმოწერა _____